

ՓԻԼԻՍՈՓԱՅՈՒԹՅՈՒՆ

ՀՆԱՐԱՎՈՐՈՒԹՅՈՒՆՆԵՐԻ ՀԱՎԱՍԱՐՈՒԹՅՈՒՆ ԵՎ ՇԱՇԵՐԻ ՀԱՎԱՍԱՐԱԿՇՈՌՈՒԹՅՈՒՆ

ԷՊՎԱՐԴ ՀԱՐՈՒԹՅՈՒՆՅԱՆ

Օրերը հաջորդում են միմյանց, դասդասվում են ու ստեղծում կյանքի ամբողջականության պատրանք, կենսագրության հոսք, որի միջից երեմն առ երեմն, ասես վրիփակներ, դուրս են ցայտում իրար հետ ոչնչով չկապված ու տրոհված «գերյալմերը», նրանք, ուն սոցիալականության սարդուստայնը մեկ առ մեկ հավաքագրում ու ստեղծում է կազմակերպված հասարակություն: Յեգելի ծևակերպած «պատմության խորանակություն» արտահայտությունը այն է, որ անհատականությունների քառի խառնարանում գաղտնաբար գործի է դնում հավաքական գոյություն կազմակերպելու անտեսանելի մանիչը: Բայց պատմության թաքուն այս նշանակությունը մեր ծեռօքով է կատարվում. այն ընդամենը ստեղծում է հարկադրանքի միջավայր, որի պաստառին առկայող քառի արտացոլանքը կարգի ու կայունության արտադրության ամենօրյա պահանջնունք է ծևավորում: Մեր կրկնակի գոյության (կենդանի մարդ և քաղաքացի անձ) ճակատամարտում մշակութային-քաղաքակրթական հարկադրանքը մի օր հաճույքների բնականությունը ծածկեց սոցիալական խոհեմության քաղաքական տարագով, և առաջինը, ով տեսավ այդ զարմանալի տեսքափոխումը, Արխստուելն էր, ով, զգիտես ափսոսանքով, թե սիլոգիզմի նկատմամբ ունեցած պաշտամունքից դրդված, հայտարարեց, որ մարդը քաղաքական կենդանի է: Բայց հարկ չէ տարակուսել, քանի որ քաղաքական մարդու գոյությանը կասկածելն այլևս անհնար է, և մնում է նրան սովորեցնել կամ պարտադրել ապրել քաղաքական համակարգի խաղի կանոններով՝ հրահրելով ինքնակամ մասնակից դառնալ այդ կանոնների մշակման արարողակարգերին:

Մասնակից դառնալու այդ պարտավորությունը ոչ քմահաճույք է, ոչ էլ քաղաքական բեմականության մեջ մի պահ բեմում երևալու պարձանք: Մեր կյանքի ամեն մի տրոփյուն արձագանք է պահանջում, որովհետև «հասարակական դաշինքի» արդյունքում ծևավորված և մեր կյանքի կազմակերպման արտոնություն ստացած քաղաքական համակարգը թերևս օժտված է «դաշինքի» մեկ այլ ծալքով ևս, ուր գործում է ներկայացուցչական համերաշխության սկզբունքը:

Իշխանության կողմնակալ լինելու պատմությունն սկիզբ է առել առաջին պետությունների ծագման հետ մեկտեղ: Ոչ մի քաղաքական համակարգ դեռևս չի անտեսել հասարակության առավել ազդեցիկ սոցիալական խավերի շահերը: Սա համարենք «մնացուկ», բնագդի «թանձրույթ», թե մեր խորքերում բնավորված նյութապաշտական նոլուցք, միևնույն է, քաղաքական համակարգի վերին հարկը գրադեցված է

նրանց կողմից, ովքեր վեցերորդ գգայարանով զգում են, որ «իշխանությունը փող է», որի համը հարիր է միայն իրենց և իրենց շրջանակին պատկանող արտոնյալ ընտրախսավի քիմքին: Այս առնչությամբ Գ. Սողոմոնյանը իրավացիորեն նկատում է, որ «այստեղ և այս պահին» ամեն ինչ տիրելու և ունենալու մոլուցքը դարձել է ժամանակակից մարդու կենսակերպ, հնարավորից առավելագույնը ստանալու ցանկություն: «Սպասում և հետաձգում պահանջող հատուցումն անցանկալի է, կյանքն ընկալվում է որպես մեծ խաղատուն, որտեղ խաղաղույթը երաշխավորված շահում-հատուցում պետք է ապահովի և լինի վայրկենական»¹: Բայց եթե դա անգամ պատառիկներից կարկատած դրվագների խճանկար է միայն և ոչ քաղաքական գոյնի հիմնատրամադրվածություն, միևնույն է, արդեն իսկ վտանգ կա, որ պետականություն կազմակերպելու իշխանության գործառույթը կարող է այլափոխվել սոցիալ-քաղաքական ընտրանու կազմակերպման գործառույթի, իսկ դա, ըստ Էռթյան, քաղաքական հովանավորչության նի ձև է, ինչի շնորհիվ ձևավորվում է սոցիալական ընտրանու մի հատուկ շերտ, որն իր դերի ու դիրքի համար պարտական է ոչ թե Պետությանը, այլ Անձին: Բայց նրանից, որ պարտականության հասցեատիրոջ այսպիսի փոփոխության պատճառով խախտվում է բնականության և բանականության հավասարակշռությունը պահպանող «հնարավորությունների հավասարության» սկզբունքի բուն էռթյունը, տեղի է ունենում նաև հասարակության ոչ լեգիտիմ շերտավորում, ինչի արդյունքում սոցիալական ընտրանու մի զգալի նասի տնտեսական ու քաղաքական հնարավորությունները ակնհայտորեն գերազանցում են նրանց ինտելեկտուալ և բարոյական ընդունակություններին: Մինչդեռ քաղաքական համակարգի առաքելությունը ոչ թե հասարակության տարանջատումն է, այլ միավորումը, ոչ թե առանձին մարդու, այլ հասարակության շահին ծառայելն է:

Բայց որպեսզի քաղաքական համակարգը կատարի հասարակության միավորնան իր առաքելությունը, պետք է իրեն զոկի ամբողջականանալու հակումներից, տարանջատվի և իր ներսում հաստատի հակաշիռների ինստիտուտ: Այս տեսակետից քաղաքական ու տնտեսական իշխանությունների տարանջատման սկզբունքի հիմքում ընկած է մասնավոր շահի սկզբունքով գործող «տնտեսական շուկայի» և ազգային ու հասարակական շահի սկզբունքով գործող «քաղաքական շուկայի» գործառույթների սահմանագատումը: Ժողովրդավարական և ազատական հասարակություն կառուցելու դասական ընթանման համաձայն՝ 1) տնտեսական գործունեությունը պետք է տարանջատել քաղաքական և աղմինհստրատիվ իշխանություններից, այն «ապապետականացնել» և ենթարկել Շուկայի իշխանությանը, 2) իշխանության քաղաքական գործառույթները պետք է «ազգայնացնել ու պետականացնել» և հանձնել հարկադրանքի առանձնաշնորհյալ լիազորություններ ունեցող Պետությանը: Պատկերավոր ասած՝ նման տարանջատման նպատակը մասնավոր իրավունքի (ուզում եմ) և սոցիալական իրավունքի (կարելի է) միջև հարաբերությունների կանոնակարգումն է:

¹ Գ. Սողոմոնյան, Անհապաղը որպես արդիականության կառուցարկման սոցինչակութային ֆենոմեն, «Բանբեր Երևանի համալսարանի», «Փիլիսոփայություն, Հոգեբանություն», 139.4, 2013, էջ 13:

Շուկան «ուզում եմ» մղումների ազատ իրացման դաշտ է: Սոցիոմշակութային իմաստով այն հանդես է զալիս որպես «հնարավորությունների հավասարության» սկզբունքի գործառության բնագավառ, ուր յուրաքանչյուր ոք կարող է փորձարկել նրգունակության իր կարողությունը: Փաստորեն, տնտեսական ազատականությունը կյանքի կազմակերպման այնպիսի ծև է, որը մարդուն հնարավորություն է տալիս ինքնաիրացման համար այլևս չփիմելու պատճական հեռանկարի համար պայքարի անհրաժեշտությանը: Ազատական հասարակություններում Շուկան բարեկեցության հոգմի «փարատնան» այնպիսի եղանակ է, երբ Աշխատանքի և Բիզնեսի փոխայնանավորվածությունը լուծվում է անձնական պատասխանատվություն ստանձնած մարդկանց ազատ գործունեության միջոցով և առանց բաղաքական հարկադրանքի: Ազատ մրցակցության տնտեսական շուկայում իշխողի և թելադրողի դերում պահանջնունքներն են, և, հետևաբար, միակ «օրենսդիր մարմինը» Սպառողն է: Պահանջնունքները բավարարելու նրա հնարավորությունները (գնողունակությունը) միաժամանակ կանխորոշում են և իր, և տնտեսությամբ զբաղվող մյուս մարդկանց «ուզում եմ» հրամայականի իրացվածության աստիճանը: Ի մի բերելով ասված՝ կարելի է ենթադրել, որ շուկայական տնտեսության մեջ մարդկանց «անհատական կամքը» դրսնորվում է ազատ մրցակցության ձևով և այդ ձևով:

Բայց ամբողջ խնդիրն այն է, որ, անհատական շահերից զատ, յուրաքանչյուր մարդ խաղում է մի դեր, որն այս կամ այն կերպ պայմանավորված է տվյալ հասարակության շահերով: Մարդու վարքն ու արարքներն ունեն նաև կոլեկտիվ (ազգային) պայմանավորվածություն, կախված են հասարակական (ազգային) որոշակի պատկերացումներից ու գաղափարներից, որոնց ամբողջությունը կարելի է անվանել «ազգային ընդհանրական գիտակցություն», որի կարևորագույն բաղկացուցիչներից մեկն էլ «ազգային կամքն» է: Եթե «անհատական կամքը» դրսնորվում է ազատ մրցակցության ձևով, ապա «ազգային կամքը» արտահայտում է ազգի այն ընդհանուր հակվածությունը, որի նյութականացված ձևը **Պետությունն** է:

Եվ այսպես, ազատական-ժողովրդավարական հասարակություններում Շուկան և **Պետությունը** այն երկու անփոխարինների կառույցներն են, որոնք կազմակերպում և կանոնակարգում են սոցիալական կյանքի կայունության ամենօրյա արտադրությունը՝ ծառայելով ինչպես **բոլորի**, այնպես էլ **համընդհանուրի** կամքին: Ընդ որում, շարունակելով Ոլոսսոյի միտքը, կարելի է վստահաբար պնդել, որ «բոլորի կամքը» և «համընդհանուր կամքը» տարբեր բաներ են: Առաջինը (բոլորի կամքը) առանձին մարդկանց մասնավոր ցանկությունների մեխանիկական գումար է (օրինակ՝ բոլոր անձնական բարեկեցություն են ցանկանում, ինչը ամենակի չի նշանակում, թե այդ մասնավոր ցանկությունների արդյունքում բոլորը պարտադիր կունենան հավասարաչափ բարեկեցություն), մինչդեռ երկրորդը (համընդհանուր կամքը) արտահայտում է ազգային ընդհանրական շահը՝ համընդհանուր բարեկեցությունը: Այլ կերպ ասած՝ Շուկան և ազատ մրցակցությունը **հնարավորությունների հավասարության ասպարեզն են**, **Պետությունը՝ հարաբերությունների հավասարության** երաշխավորը:

Առաջինը (շուկան) **արդարություն** է ապահովում, երկրորդը (պետությունը)` **ներդաշնակություն**: Ընդ որում, արդարությունն անհրաժեշտ է տնտեսական կյանքի **արդյունավետության**, իսկ հավասարությունը՝ սոցիալական կյանքի **համերաշխության** համար: Այլ կերպ ասած՝ ազատականության և ժողովրդավարության (Շուկայի և Պետության) հարաբերությունը կարելի է ներկայացնել որպես համերաշխության նբնոլորտուն անհատական շահերի հավասարակշռության ձգտում, հանգանանք, որն անհրաժեշտ է «հեռատես զիջողական եսակենտրոնությամբ»² օժտված անհատների ձևավորման համար:

«Հեռատես զիջողական եսակենտրոնությամբ» օժտվածությունը, դժբախտաբար, մարդկային համընդիանուր որակ չէ և հազիվ թե երբեմ դառնա արարքի և գործունեության նույնքան համընդիանուր շարժադիր: Առավել ևս, որ ազգային կյանքի տնտեսական ու քաղաքական կազմակերպման արևմտյան մոդելը այդպես էլ չկարողացավ հաղթահարել ազատականության և ժողովրդավարության միջև պարբերաբար կրկնվող ներքին լարվածությունն ու հակասություննը³: Ազատ մրցակցության սկզբունքով դեկավարվող ազատական տնտեսությունը խարսխված է «հնարավորությունների հավասարության» սկզբունքի վրա, ինչից հետևում է, որ մրցակցությանը դիմանալու համար պետք է ոչ թե օգտվել իշխանության հովանավորչությունից, այլ գործել ռացիոնալ և արդյունավետ: Այս առնչությամբ տրամաբանական հարց է ծագում. ազատականության ավանդույթների շրջանակներում արդյո՞ք հնարավոր է ձևավորել այնպիսի իշխանություն, որը կկարողանա մրցակցային-շուկայական տնտեսությունը պահել սոցիալական պետության ոգուն համապատասխան՝ չխոչընդոտելով նաև այդ տնտեսության բնականոն գործառությունը:

Մի բան ակնհայտ է, որ պետությունը, այնուամենայնիվ, բարեկեցության աղբյուր չէ և չի կարող լիովին իր վրա վերցնել մարդկանց նյութական բարեկեցության ապահովման խնդրի լուծումը: Բայց որպեսզի պետությունն, այնուամենայնիվ, կարողանա պաշտպանել ազգային ընդհանրական շահը, ինչպես նաև «հնարավորությունների հավասարության» սկզբունքի օպտիմալ գործառությունը, պետք է առնվազն գործի քաղաքական ու տնտեսական իշխանությունների տարածատման սկզբունքը: Սա, անշուշտ, դժվարին խնդիր է, քանի որ նույնիսկ կայացած ժողովրդավարական երկրները չունեն ապահովագրական մեխանիզմների այնպիսի համակարգ, որն իսպատ բացառի քաղաքական ու տնտեսական իշխանությունների հանցավոր մերձեցումը: Պատահական չէ, որ գրեթե ամենուրեք իշխանությունը ոչ միայն «ուժ է», այլև «փող», ոչ միայն գաղափարների (սոցիալական նախագծերի) իրագործման մեխանիզմ է, այլև հարստանալու հնարավորություն: Մինչդեռ իշխանությունն առաջին հերթին ծառայություն է, իսկ հարստանալը՝ **գործունեություն**: Եթե հասարակությանը ծառայություններ մատուցելուն զուգահեռ իշխանությունը գործում է հարստանալու մղունով, նշանակում է քաղաքական ու տնտեսական ընտրանիների միջև վաղ թե ուշ կիաստատվի փոխադարձ հովանավորչության

² **Էղ. Աքայան**, Հոգի և ազատություն, Եր., 2005, էջ 397:

³ **Տես Խաբերմաս ԻՕ**. Политические работы. М., 2005, էջ 96:

այսան: Այնտեղ, ուր այդ այսանսն արդեն գործողության մեջ է, ընտրագանգվածի ժողովրդավարական ինքնիշխանության լեգիտիմությունը դառնում է խնդրահարուց, իսկ քաղաքական որոշումներ կայացնելու պետության ինքնիշխանությունը՝ կորնչական: Բացի այդ, քաղաքական և տնտեսական իշխանությունների փոխհովանավորչական այսանսի դեպքում ոչ միայն «սեփականության ապապետականացում» է տեղի ունենում, այլև «իշխանության ապապետականացում»: Ընդ որում, եթե սեփականության ապապետականացումը շուկայական տնտեսության ձևավորման և գործառության անհրաժեշտ պայման է, ապա իշխանության ապապետականացումը դառնում է անօրինականության և կոռուպցիայի արմատավորման նախադրյալ:

Քաղաքական և տնտեսական իշխանությունների փոխհովանավորչական այսանսի հետևանքով տնտեսական ու քաղաքական կյանքում խախտվում է առաջարկի և պահանջարկի հարաբերակցության հանրահայտ սկզբունքը: Եթե տնտեսական հարաբերություններում սպառումից ու պահանջարկից տնտեսավարողի կախվածության սկզբունքը աստիճանաբար վերածում է քաղաքական իշխանությունը անձնական կամ կլանային շահերին ծառայեցնող իշխանությունից կախվածության սկզբունքի, ապա քաղաքական կյանքում իշխանության քաղաքական որոշումներն ու վճիռները վերածվում են «հատուկ» շուկայի ապրանքի և ինչ-ինչ հանգամանքներում կարող են նույնիսկ վտանգել ազգային ինքնիշխանությունը: Բանն այն է, որ եթե տնտեսական շուկայում միակ օրենսդիր մարմինը **սպառողն** է, ապա քաղաքական շուկայում՝ **ընտրողը**: Բայց, ինչպես ցույց է տալիս նույնիսկ զարգացած ժողովրդավարական երկրների փորձը, ընտրական տեխնոլոգիաների, ֆինանսական մեծածավալ ներդրումների և այլայլ կարգի ընտրախախտումների օգնությամբ քաղաքական համակարգը և նրա միջուկը կազմող իշխանությունը ծեռք են բերում ընտրազանգվածի կամքից չկախված ինքնավերարտադրման առավել հուսալի երաշխիքներ: Նման դեպքերում քաղաքական շուկայում զանգվածային սպառողը (ընտրազանգվածը) գրեթե չի մասնակցում «քաղաքական ապրանքի» գնագոյացմանը, և իշխանության համակարգը, ըստ եռթյան, **նախորդում** է ընտրազանգվածի կամքին: Այն վերածում է **որոշումներ կայացնող** մի յուրահատուկ կենտրոնի, որի գործունեությունը հաճախ չի բխում սոցիալական համակարգի հնարավորություններից, քանի որ երկրի իրական պատմությունն ու նրա ընթացքը քիչ են պայմանավորված հասարակության մեծամասնության ընտրությամբ ու կանքով: Յանգանանք, որ քաղաքական իշխանությանը ստիպում է հասարակական կյանքը «բռվանդակային տիրապետման» ենթարկելու փոխարեն պարբերաբ դիմել «ֆիզիկական տիրապետման» մեթոդներին ու հնարքներին: Մինչեռ, եթե ընտրությունները դիտարկենք որպես իշխանության և քաղաքացիների միջև որոշակի պարտավորությունների ստանձնման «համաձայնագրի» վավերացման արարողակարգ, ապա հասարակությունը ոչ թե պետք է ֆիզիկական ճնշման լծակների տակ պարզապես ենթարկվի քաղաքական կազմակերպման այս կամ այն ձևին, այլ այդ ձևը ճանաչի որպես իր հավաքական գոյության լավագույն եղանակ: Այս իմաստով տնտեսական ու

քաղաքական իշխանությունների տարանջատման կարևորագույն նպատակներից մեկն այն է, որ ներկայացուցչական քաղաքական համակարգը ձերբազատվի կողմնակալ որոշումներ կայացնելու գայթակղությունից և գործի որպես ազգային շահերի անվտանգության սուբյեկտ: Առավել ևս, որ ներազգային կյանքում քաղաքական համակարգի գլխավոր գործառույթներից մեկը ոչ թե մարդկանց կարիքների բավարարումն է, այլ շահերի պաշտպանությունը:

Ժամանակակից արևմտյան քաղաքակրթության միտումները վկայում են, որ փորձ է արվում աշխարհը դարձնել մեկ միասնական մի նախագիծ, որի հիմքում ընկած են երկու հիմնական համակարգաստեղծ արժեքային հարացույցներ՝ ժողովրդավարության և հումանիզմի իդեալները: Առաջինի նպատակը սեփական կյանքի պայմանները ձևավորելու մարդու հնարավորությունների ստեղծումն է: Ընդ որում, սեփական կյանքի պայմանները ձևավորելու հնարավորությունների ստեղծումը (ժողովրդավարություն) ընդամենը հումանիստական իդեալների իրագործման միջոց է և ոչ ավելին: Ժողովրդավարությունն ու ազատականությունը կյանքի կազմակերպման ու կանոնակարգման (կառուցարկման) ինստիտուցիոնալ մեխանիզմներն են, որոնք ընդամենը ուրվագծում են սոցիալ-տնտեսական ու քաղաքական խաղի կանոնները՝ ենթով դասական ժողովրդավարությանը բնորոշ ռացիոնալ ուստոպիզմի այն կանխավարկածից, որ, մարդկային աշխարհի հոգևոր որակներից անկախ, հենց միայն «խաղի կանոնների» օգնությամբ հնարավոր է կառուցարկել լիովին ռացիոնալ սոցիալական աշխարհ: Մինչդեռ ժողովրդավարության և ազատականության սոցիոնշակութային բովանդակությունը մեծապես պայմանավորված է մարդկային նյութի որակներից՝ մարդու և հասարակության հոգեկերտվածքից, ինքնակառավարման ներքին ունակությունից, բարոյական գիտակցությունից և այլն⁴: Իսկ դա նշանակում է, որ աշխարհի սոցիալական կառուցարկման հումանիստական տեսանկյունը անբաժան է մարդու ինքնահաստատման դրամայից: Ժողովրդավարության սկզբունքներով կյանքի քաղաքական կազմակերպման պարագայում դրաման արտահայտվում է այն բանով, որ մի կողմից նպաստում է ինքնահրացման ու ինքնահաստատման ազատ դրսևորնամը, մյուս կողմից, սակայն, ստեղծում է ինստիտուցիոնալ հղոր մեխանիզմներ, որոնք անհատին գրկում են ինքնավարությունից: Փաստորեն, ժողովրդավարությունը մի կողմից կարելի է դիտել որպես սեփական ճակատագրի համար պատասխանատու մարդկանց քանակականության իշխանություն կամ «քանականության ժողովրդավարություն», մյուս կողմից՝ որպես քաղաքական հաստուկ պատրաստվածություն չունեցող, հաճախ զգացնունքներով կողմնորոշվող զանգվածների զգացմունքների իշխանություն կամ «սորանադրության ժողովրդավարություն»⁵: Եթե հաշվի առնենք, որ ժողովրդավարությունը մեծամասնության իշխանություն է, իսկ մեծամասնությունը ձևավորվում է հենց զանգվածներից, ապա կարելի է ասել, որ կառավարման ժողովրդավարական համակարգը իրականում ոչ թե քանականության ընդզգումի համակարգ է, այլ

⁴ Стёу Бердяев Н. Судьба России. Самосознание. Ростов-на-Дону, 1997, № 195:

⁵ Мангейм К. Избранные. Социология культуры. М., СПб., 2000, с. 168.

ընդամենը **զգացմունքների ընդվզման** մի անընթափառ միակցության խառնաշփոթ, ինչն էլ հենց կոչվում է «կառավարելի քառոս»: Այդ քառոսը, եթե այն պարփակենք իմաստալից արտահայտության մեջ, կոչվում է պլուրալիզմ, որն իբր թե ի գորու է բացառելու որևէ շերտի կամ խավի մեջիշխանությունը:

Ժամանակակից աշխարհում որքան էլ կարևոր լինի տեսակետների այլընտրանքայնությունն ու բազմակարծությունը, այնուամենայնիվ պլուրալիստական ժողովրդավարությունը ի վերջո հանգում է ամբողջատիրության, քանի որ տեսակետների այլընտրանքայնության շրջանակներում անգամ պետք է հաղթի և քաղաքականապես նարմնավորվի տեսակետներից մեկը: «Պարզ ասած՝ իշխանության ձևավորման պլուրալիստական հայեցակարգը ընդամենը արտահայտում է ժողովրդավարության դասական ըմբռնման էռլրյունը, ըստ որի՝ ամեն մի քաղաքացի ունի քաղաքական գործընթացներին մասնակցելու իրավունք (մասնակցության իրավունք)` չբացահայտելով այդ մասնակցության կոնկրետ ձևն ու մեխանիզմը: Առավել ևս, որ մասնակցության իրավունքից չի բխում, թե քաղաքացին ստացել է իր տեսակետը կյանքի կոչելու պարտադիր երաշխիք:

Պլուրալիստական ժողովրդավարությունը սոցիալական իրականության կազմակերպման մշակույթների մի յուրատեսակ բանավեճ, իրականության վիճարկման մի յուրօրինակ դատավարություն է, որի ելքը վճռող «երդվալ ատենակալները» ընտրողներն են: Ընտրողին տրված է իր հայեցողությամբ քաղաքական հայրենիքը վերակազմավորելու բացարիկ շանս: Բայց հենց այն պատճառով, որ նրա «մասնակցության իրավունքը» ավարտվում է որևէ մեկին (մեծամասնական) կամ որևէ քաղաքական ուժի (համամասնական) իր փոխարեն վճիռ կայացնելու պատգամով, նշանակում է՝ ընտրողների մեծամասնություն կազմող բանակը իշխելու իրավասությունը հնուտ մի ձեռնածությամբ (ներկայացուցչական ժողովրդավարություն) հանձնում է փոքրամասնությանը (իշխող ընտրանուն): Այսինքն՝ իր կայացման գործընթացուն իսկ ժողովրդավարության բուն ինաստը քողարկված կերպով ժխտված է: Մեծամասնության թվացյալ ներկայությունը կապանքված է հաղթող ընտրանու ներփակ համակարգի գաղափարական շղթաներով: Ընդունելու, ստեղծելով այլընտրանքի առկայություն ապահովող ընդդիմություն և քաղաքական հայրենիքի տարիմաստ մեկնաբանման լեգիտիմ կառույցներ, պլուրալիստական ժողովրդավարությունը մեծամասնության ջանքերով ընտրված փոքրամասնության իշխանությունը դարձնում է անբողոքարկելի անարդարություն՝ հիմքից մերժելով «փոխարացողականության գիտակցությը»⁶:

Ուրեմն ո՞րն է ելքը: Ինչպես ոճավորել և ի՞նչ ոճ հաղորդել իշխանությանը, որպեսզի այն արտահայտի հասարակության մեջ առկա «ուժերի հարաբերակցությունը»՝ պահպանելով հանդերձ տարաբնույթ «շահերի հավասարակշռությունը»: Ոճը ոչ միայն բնութագործ է իշխանության, իսկ ավելի ճիշտ՝ կյանքի քաղաքական կազմակերպման ներքին որոշակիությունը, այլև քաղաքակրթական տարածության մեջ նրա կերպարի ընկալման ու ճանաչման եղանակն է, քաղաքական այլ համակարգերի հետ բաց

⁶ Նույն տեղում, էջ 267:

Երկխոսության նախապայմանը: Ոճը իշխանության կերպի սուբյեկտիվությունը բնութագրող, նրա կառուցարկած հանրային կյանքի ծպոյալ ու անսրող ինքնության պարփակման այն եղանակն է, որին հաճախ բնորոշ է ժողովրդավարության թատերայնացված պատկերը⁷: Սա նշանակում է, որ ամեն մի իշխանություն ձևավորում է սոցիալապես կազմակերպված ազգային (հանրային) կյանքի նի ինքնատիպ քաղաքական «բենադրություն», որտեղ իրեն վերագրված է բոլորի անունից հանդես գալու դերակատարում: Ազգային (հանրային) կյանքի քաղաքական բենականացման, այսինքն՝ հանրային կյանքի ոճավորման որակը հենց այն ցուցանիշն է, որով կարելի է որոշել՝ թե քաղաքակրթության բենահարթակում մշակույթի վայրէջքը կնպաստի⁸ ազգային կյանքի ներդաշնակեցմանը, թե՝ կդառնա միասնականության կորստի հավելյալ խթան: Խնդիրն առավել և կարևորվում է, քանի որ քաղաքականապես ազգի ներդաշնակեցումը արդեն իսկ խնդրահարույց է, որովհետև սոցիալապես կազմակերպված այդ աշխարհը ինչ-որ մարդկանց (քաղաքական ինչ-ինչ ուժերի), մի խոսքով՝ ուրիշի բենականացման արդյունք է, այն էլ՝ բարեկեցության և ժողովրդավարության անսահմանելի և անհասանելի, վերացական-անդեմ մտակառույցներով նենգափոխված: Մի խոսքով՝ հաց (բարեկեցություն) և տեսարան (ժողովրդավարություն), որոնց բենականացման ասպարեզը Շուկան է և Պետությունը՝ երկու հսկաներ, որոնք այլևս մարդու վրա իշխանություն ունենալու տնտեսական ու քաղաքական սցենարը վերախմբագրում են՝ անձնական կյանքի վրա այն տարածելու անհագուրդ ախորժակով: Այս պարագայում «ուժերի հարաբերակցությունը» պահպանող իշխանության ձևավորման հարցը մնում է առկախ, քանի որ Շուկայի և Պետության փոխհարաբերություն ոճավորող իշխող ընտրանին գործնականում ամենուրեք փորձում է ինքնավերարտադրման հուսալի նախադրյալներ ստեղծելու միջոցով կառավարման համակարգում իր տեղը դարձնել ժառանգական՝ անտեսելով այն ակնհայտ իրողությունը, որ մարդկանց ինտելեկտուալ կարողությունները ժառանգականության հետ շատ քիչ առնչություններ ունեն: Ասել կուղի, որ պետական իմաստնությունը ժառանգական չէ, և իշխող ընտրանին, եթե ուզում է իրոք ընտրանի լինել, դրսից թարմ ուժերի ներարկման կարիք ունի⁹: Այլապես անփոխարինելիության նստվածքը գումարվելով իշխանության ընձեռած հնարավորություններին՝ վերաճում է ավտորիտար բարոյականության, ըստ որի՝ իշխանության բարքերն ու արժեհամակարգը ճշնարիտ են ու անքննադրատելի, քանի որ համապատասխանում են ընտրանու և նրա առաջնորդի պատկերացումներին ու ցանկություններին: Նման դեպքերում իշխանության քաղաքական ինքնության ու հոգեկերտվածքի մեջ իշխում է ոչ թե բանականությունը (իրականությունը ճանաչելու և այն ճշմարիտ կառուցարկելու), այլ բանախոհությունը (ամեն ձևով իշխանությունը պահելու և այն սեփական շահին ենթարկելու): Նկատենք, որ առաջին դեպքում գործողության ուղեցույց է դառնում ազգային-պետական կյանքի անբողջականության ստեղծման ու պահպանման տեսլակա-

⁷ Տե՛ս Բարձ Ա., Յօդերկվիստ Յ. Նետոքրատիա. Նորա պարագայության և կառավարման անհաջողության մասին. Տե՛ս Արքայի պատմությունը. Երևան, 2005, էջ 38-39:

⁸ Տե՛ս Մօսկա Գ. Պարագայության մասին. Տե՛ս Արքայի պատմությունը. Երևան, 2005, էջ 194-195:

նը, մինչդեռ երկրորդի նպատակը «լինել ամբողջական» սկզբունքը «տիրել ամբողջը և ամբողջին» գոյատևման կենսաբանական սկզբունքով փոխարինելն է: Մի ջագրգիր զգացականություն, որից էլ հենց կախված է իշխանություններից քաղաքացիների ազատության աստիճանը, քանզի հանրային կյանքի վրա վերահսկողության խստացումն ու թուլացումն այլևս պայմանավորված են «ամբողջը տիրելու» իշխանության ախորժակով ու հագենալու զգացողությամբ: Ի հավելում ասվածի՝ նշենք նաև, որ «հիմա և այստեղ» ամեն ինչ իրենով անելու՝ իշխանության և հարստության նկատմամբ ներքնապես պայմանավորված կույր ախորժակը նաև արտաքնապես միջնորդավորված հանգամանքներից ածանցյալ օրինաչափություն է: Բան այն է, որ մարդկանց սահմանադրական իրավունքների ուժնահարման ուժգնությունն ու հաճախականությունը, որպես օրինաչափություն, պայմանավորված են նաև արտաքնապես միջնորդավորված այնպիսի հանգամանքներով, ինչպիսիք են. ա) Երկրի անվտանգությանը սպառնացող արտաքին հանգամանքը (պատերազմ, շրջափակում և այլն), թ) հասարակության սոցիալական կառուցվածքի ընտրասերնան բնականոն ընթացքի խաթարումները (արտագաղթ, գործազրկություն և այլն): Երկու դեպքում էլ (ճակատում և թիկունքում) հասարակությունը կորցնում է իր օժտված, բարոյապես հուսալի, պարտքի գիտակցումով ապրող, ձեռներեց, ակտիվ, հավակնութ պահանջնունքներ ունեցող անհատներին ու խավերին՝ դաշտը թողնելով կամային թույլ որակներ և նվազագույն պահանջնունքներ ունեցող «սոցիալական նստվածքին», որին վերապահված է «ապրել ըմբռնումով»:

Ահավասիկ «ներքին գաղութացման» մի ուշագրավ դրսևորում, մի ապերկույթ, որը վաղ թե ուշ անձնիշխանության է բերում: «Սոցիալական նստվածքի» գոյատևման կենսափիլիսոփայության մեջ ժողովրդավարությունն ու նյութական նվազագույն ապահովվածությունը վերաճում են իրարամերժ այլընտրանքների, և հացիվ խնդիրներին նախապատվություն տվող ճարահատյալ մեծամասնությունը, շարունակաբար ապրելով «ընբռնումով», վերջիվերջո իր նյութական խեղճությանը հավելում է նաև հոգևոր խեղճություն: Այդ պահից սկսած՝ մարդը վերածվում է սոցիալական պատկանեությունից և համապատասխան սոցիոմշակութային կողմնորոշումներից զուրկ, սոսկ նյութական պահանջնունքներով ապրող «միայնակ ոմնի», որին երբեմն անվանում են «ազատ ընտրազանգված»՝ մարդու մի տեսակ, որի սոցիալական պատկանելության և քաղաքական նախասիրությունների միջև միակ պատճառահետևանքային կապը ընտրակաշառքն է: Դամենայնդեպս, աղքատ հասարակություններում «ազատ ընտրազանգվածի» մի զգալի հատվածը ընտրությունից ընտրություն քաղաքական ուժերի ակտիվ միջամտությամբ վերածվում է «կազմակերպված» սոցիալական մի խավի, որը քաղաքական համակարգից ոչ թե շահերի պաշտպանություն է ակնկալում, այլ նվազագույն կարիքի բավարարում: Ի դեպ, ննան հասարակություններում սոցիալական ոչ լեգիտիմ շերտավորման նշված երևույթը գործում է նաև քաղաքական կյանքում: Մասնավորապես, անցումային հասարակությունների քաղաքական կյանքի վայրիվերումները հաստատում են, որ տնտեսական ու քաղաքական իշխանությունների

սերտաճման «գրավիչ» հեռանկարները գայթակղում են նաև ընդդիմադիր քաղաքական ուժերին, որոնք պարբերաբար ենթարկվում են գաղափարական անսպասելի կերպարանափոխման, արագ համակերպվում փոփոխվող իրավիճակներին՝ փաստելով, որ իրենք ազատ ընտրազանգվածից ոչնչով չտարբերվող «քաղաքական նստվածք» են ընդամենը: Արդյունքում, որպես կանոն, քաղաքական ու իշխանական համակարգերի և նրանց առանձին օղակների միջև կապն ու համագործակցությունը ենթարկվում են ոչ այնքան գաղափարական ու գործառական կախվածության որդարքանական անձնական կախվածության հարաբերությունների տրամաբանությանը:

Օգտապաշտ քաղքենու ժամանակավոր հավատարմության այս գործելակերպն ու հոգեբանությունը բնորոշ են բոլոր այն հասարակություններին, որտեղ տարանջատված չեն տնտեսական ու քաղաքական իշխանությունները, և որտեղ քաղաքական իշխանությունը ոչ թե **արտացոլման**, այլ **վերաբերմունքի** (հարստանալու և հաշվեհարդարի) համակարգ է: Հարկ է նկատել, սակայն, որ իրենց բարոյական որակներով սոցիալական և քաղաքական «նստվածքները» էապես տարբերվում են: Եթե առաջինների մեջ «ազատ ընտրազանգվածի» կարգավիճակը ընտրությունից ընտրություն քաղաքական շրերթին մասնակից դառնալու սազական դիմակ է՝ ժամանակավոր, ցինիկ ու հաշվենկատ (ընտրակաշառքը վերցնում, բայց քվեարկում են իրենց նախընտրածի օգտին), ապա «քաղաքական նստվածքի» հոգու բարոյական մշակվածությունը իսպառ բացակայում է, և նրա դեմքն ու դիմակը գրեթե նույնական են: Հենց նրա՝ մետաֆիզիկական քննադատության պարուս հարմար պահին և հարմար գնով աճուրդի հանող և «մանկուրտի» անմեղսունակությամբ ծառայամտություն դրսնորոդ հպատակի գոյությունն է պատճառը, որ գոյատևման խնդիր ունեցող հասարակության մեծամասնությունը հարկադրված շուկա է հանում «ազատ ընտրազանգվածի» իր քվեն: Հոգեբանական մի փորձություն, որի մշտականությունից վերոհիշյալ ցինիզմը մի օր կսպառվի, և որպես այդ խաղին հարկադրաբար մասնակցելու տուրք՝ նյութապաշտությունը կենսաձևից կվերածի գաղափարաբանության: Այնքան արդեն խոհենաբար կարելի է ընդունել, որ «ամեն ժողովուրդ արժանի է սեփական իշխանությանը» բանաձևը հենց հասարակությանը հասցեազրված մեհադրական վճիռ է:

Ժողովրդավարության պարագայում այդ մեղադրանքը ուղիղ համեմատական է ընտրողի ինքնիշխանությանը: Բայց եթե մի պահ ընդունենք, որ ընտրողն իրոք ինքնիշխան է, միևնույն է, անխղճություն կլինի անեն ինչ ընտրողի վրա ջարդելը, եթե սահմանված չէ հենց ժողովրդավարական ճանապարհով իշխանության եկածների կամքի բավարարվածության Չափը:

Ենշտ է, ժողովրդավարական հասարակություններում քաղաքական ուժերին իշխանության բերողը **Մեծամասնությունն** է, բայց նրա կամքի բավարարվածության չափը որոշողը **Սահմանադրությունն** է: Այդ իսկ պատճառով՝ ժողովրդավարությունը ոչ միայն մեծամասնության իշխանություն է, այլև մեծամասնության կամքի սահմանադրորեն ճշտված ռեժիմ: Մեծամասնությունը իշխանությանը լեզիտիմություն է հաղորդում, Սահմա-

նադրությունը՝ կարգ: Ընդ որում, հաշվի առնելով տնտեսական և քաղաքական իշխանությունների սերտաճման և իշխանության մենաշնորհման բոլոր իրական և ենթադրելի վտանգները՝ քաղաքական համակարգի նկատմամբ սահմանադրական կարգը պետք է դեկավարվի «անվստահության կանխավարկածի» սկզբունքով: Առավել ևս, որ ամեն մի և հատկապես ճգնաժամային իրավիճակներում դեկավարում ստանձնած իշխանություն ձգտում է իր իրավասությունների մենաշնորհմանն ու սահմանադրական կարգը խախտելու պերմանենտ հակվածությանը՝ պատճառաբանելով, որ «սահմանային իրավիճակներում», երբ նաև «սոցիալական նստվածքը» ունակ չէ օբյեկտիվ գնահատելու պահի պատմական նշանակությունը և ճիշտ ընտրություն կատարելու, իշխող ընտրանին «բարի նպատակներով» կարող է շրջանցել սահմանադրական կարգը և մնալ լեզիտիմ:

ЭДВАРД АРУТЮНЯН – Равенство возможностей и равновесие интересов. – В либерально-демократических обществах рынок и государство – два незаменимых конструкта, которые определяют стабильность социальной жизни. Если рыночная экономика является ареной «равенства возможностей», то государство гарантирует «равновесие интересов». Исходя из этих функций рынка и государства принцип разделения политической и экономической властей, в основу которого положены равенство и справедливость, рассматривается в статье как условие конструирования социально-экономической жизни.

EDWARD HARUTYUNYAN – Equality of Opportunities and Balance of Interests. – In liberal democratic societies the Market and the State are two irreplaceable structures, which organize and regulate daily production of stability of social life. If market economy and free competition form the domain of “equality of opportunities”, the state is the guarantor of “balance of interests”. Proceeding from these functions of the Market and the State, the principle of division of economic and political powers is viewed as a precondition for constructing social-economic life on the bases of justice and equality.